

МАЙ ИРЫ' НЮРТЕЙ ЯЛЯ' ПИЛИ' ПОН' ТАНЯ ТУРНГАЯ!

Мал' яндер', пролетария', нгопт' нятал'яда'!

Нярьяна НГЭРМ

Советской Союз' Коммунистической партия окружкаманда няби
Ямало-Ненецкой автономной округ' народной депутат' Советандо' газетди'

1979 по.
Газетава' 1953 по
июнь иры'
1 яляхад
нгадибернга

Май иры'

4

яля'
ПЯТНИЦА

Си'ив яляхана
нгопой нгадибернга
№ 18 (1952)

Миртя 1 копейка

САВАВНА ХАНЕВЫ'

Ямальской район нянгы
«Ямальской» совхоз нохом
пэртя ханемидо' сававна
хамыд'.

Ядне Тёмбе няхаромдэ-
до' по пеля нохонда планм
томда, тад пыда хавнанда
по ватамбой планодо' тар-
ця ненэця' томдэйдо. Тикы:
Парико няби Николай Ва-
нуйто, Иван Тадибе, Сэрако
няби Омдю Окоэтто, Ни-
колай Тэдвич няби Нико-
лай Нгарамавич Окоэтто,
Леонид Васильевич Сэро-
тэтто. Тикы ненэця' плана-
до' нгадьбяндо' ваць том-
дэйдо, пыдо' ялэто' ямбуво-
махад нгобкад талара ха-
несеты'.

МАЙ ИРЫ' НЮРТЕЙ ЯЛЯ' МАНЗАРНИ' НГАРКА ЯЛЯНГЭ ТОЛЁДА ЯЛЯ'

Хусувэй по маня' Советской яна' тер'
ненэця' нгани' маня' яна ила саур няюв'
иятана' социалистической ила пняндм
сертабада яхана илена' ненэця', тад
тикахад капиталистической яхана манг-
габа илена' ненэця' май иры' нюртей
ялям' маймба нгатири нгатесетыдо'. Та-
рем' хуркари тэнз ненэця' май иры' нюр-
тей ялям' нгобкад сававна минрена ком-
мунистической манзарабцо сауркана
ядабтаван харваваханато' нива сайнор-
ма ила пняндм манэлабтамбавамдо' хэ-
тыби'. Я манггад латадан илена' ненэця'
хурка тодо' тэнз вада' харавна лахана-
вандо' нид вадито' нгопт' ниб' тэворб'
нгод май иры' нюртей яля' манзарани не-
нэцие' яля нгэвамда ибето' нгыламна
пили' пон хамэдамбидо'.

Тикы май иры' нюртей яля' пили'
нгананда нгамгэ еэмня тарем' я тинг-
гивна саць нгаркавна юнета ялянгэ хэ-
вы. Пили' нгананда я сяр пиша маня'
Советской яна' ила толаха ил' янгова
малынгана капиталистахана манзарана'
манггабада' ненэця' сава илтамдо' сояба
нгопт' мандалинга— собраним мэць яля-
дандо' май иры' нюртей ялям' таслаць.

Тад тикы тарем' я сяр латадан тас-
ламандо' пуд хусувэй по' май иры' нюртей
яляна ханянгэхэна тамна капиталист —
тэтадато' ярмэ харто' иландо' саурм'
социалистической ила саур нгумна тидха-
левам тасламба пили' пон' нгопт' ман-
далингасеты'. Пыдо' тамалынгана харто'
тэтадато' манзарабцэ яля ямбадм хэбим-
дева хавна педабя есяндо' нгокадм нго-
камдабава нямна лаханасеты'.

Тикы тарем' илева ямбан манзарани'

Тадхава тикы поход тальяов маня' яна'
нгардан', тад нгани' нгобтарем' Ленин
няна табеконна социалистической ила
саурмана миндя е' ненэцие' ня' нгопт'
енгга мюмня ядава', юросангэ илева
ила пняндм минрена май иры' нюртей
ялям' пили' пон ибена' ядаха' маймба
нгобнзер ядабтамбасетына'.

Май иры' нюртей яляна маня' яна'
тинггивна манзарана' ненэця, тад нгани'
социалистической яхана илена' ненэцие'
ня' сававна юросангэ поёна' сава нгэвам'
манэлабтамба Ленин Знамям нямба
партияна' табекто тихындо' томдаба пер-
ня тид ядасетыва', тарем' харахана те-
далахана капиталистической яхана ман-
ггаба илена' ненэця' маня' Советской
властяна' минрена' ила толаха' илангга-
на илеван харвавамдо' манэлабтамба
тэтадато' ярмэ май иры' нюртей яляна
нгопт' мандалмандо' сэр' харто' иландо'
ханзер савумтавандо' нямна нгобкад
лаханасеты', ти тарем' харахана май
иры' нюртей яля' нгопой Советской яна'
пирваца нгарка ялянгэ толабада ни нга.

Тикы май иры' нюртей яля я латадан'
социалистической, тад тикы пуд комму-
нистической ила саурм' К. Маркс,
Ф. Энгельс, В. И. Ленин — мал пыдо'
табедарото' нгумна сертабаванди' ненэ-
цие' нгопт' майамбада ялянгэ толы. Ти-
кы май иры' нюртей яля мал' яндер не-
нэцие' нива сайнорма нямна нгопт' ма-
ламби, тарем' харахана тикы май иры'
нюртей яля я тинггивна социалистичес-
кой, тад тикахад коммунистической илам
сертабада ненэцие' таяя нгопт' нгомда-
бида.

Май иры' 5 яля' газета' няна манзарани' яля'

Хусувэй по май иры' 5 ялям' маня' Светской
яна' нгардан' илена' ненэця' газетяхана, тад тика-
хад журналахана манзарана' ненэцие' нгарка яля-
нгэ толёвандо' еэмня нгобкад ненодумтабасеты-
до'. Тикы май иры' 5 яля' маня' Советской яна'
нгардан' илена' ненэця' нгарка ялянгэ толабаван-
до панггада тарем' нгэда сэр'.

1912 по май иры' 5 яля В. И. Ленин вато серев'
теда' маня' партияна' Центральной Комитетанда
«Правдам» нюбета газета нюртей мэва нгадимясь,
тарем' харахана теда' сямьян' газетана' нгарката-
нгэ толёда «Правдам» нюбета газета нгадивома
яля', тад тикахад тад нгани' газета' журнал' няна'
манзарани' нгарка ялянгэ пили' хая.



Теда' маня' Советской яна' нгардан' ханярина
«Правдам» нюбета газетавыда пудана хуркари ню-
дяко' газета' таяма'. Тикы газета' нгокададо'
тамна хэтава теке.

Маня' Ямало-Ненецкой автономной округана
нгардан' тодо' вадавна сидя газета нгадибернгаха'.
Тикы луца вадавна нгадиберта «Красной Северм»
нюбета газета няби ненэця' вадавна нгадиберта
«Нярьяна Нгэрм» нюбета газета, ти тикы сидя
газетавы' коммунистической илам' сертабава нямна
партияна' табекто тихынди' ненэцие' хаво'сихи'
тэволавана саць нгарка манзаям' минренгаха'.

Ненэця' вадавна нгадиберта «Нярьяна Нгэрм»
нюбета газетяхана' харто' иландо' нямна ненэця'
вадавна тарця ненэця' падва', тикы: Пуровской
район нянгы Халесовойхана илена Вапти Айваседа,
Тазоской район нянгы Гыда хардахана илена Ма-
рия Салиндер, Приуральской район' нянгы Бело-
ярскахана илена Валерий Неркагы, Ямальской
район нянгы Новопортовской школана тохол-
ова Тана Хуви «Ямальской» совхозахана нохом



ПЫДА СЕХЭРЭДА

Л: Лапцуй

НГАХАКУД ХАМЕКУРНГА

Вы яханана,
Нгэрм' яханана
Май нгарка яля—
Нара нерденя,
Нгудондана яля,
Манзарани' яля.
Яна тинггывана
Май нгарка яля
Ненадорка яля,
Харта юнетарка
Яля мирланга
Вы яна' нимна.
Тики яляхаца
Манзарана' хибя,
Маня' яна хибя,
Вадёмамдо' ямдо,
Харто мэбермамдо,
Яндо' савумтавам.

Пыдо' сертаремдо'
Харто' понгганандо'
Нгарка Лешпи,
Нися Ленин
Тюку иланггана
Пыда ядасеты,
Ванебтёрисяты,
Харпыдёрисяты.
Маида толахако
Пыда нгэрисеты:
—Нюни' сава нюни',
Ила саиркана,
Яна' неда мюня
Май нгарка ялям'—
Нара нерденям'
Ядабтамбари
Сехэрэни мюйм'
Вы яханана'

Янда' терхана
Нятабсавнанда
Сехэрэни мюмня
Юрөсарингэ
Харта ядавара
Ихинани пон.
Харта' пяханата'
Неда таркосяту.
Тид ядангада'
Нензя явнанда,—
Тарць ямбахана
Ти, мань тарцянгэ
Ялаби' мюмня,
Яднако' нимня—
Ненэцце' нимня
Сангом' нгэдапидм'.
Вето' выянггана.
Май яббермамдо'

Тедя' маня' округана'
нгардан халям пертя ненэ-
циена', тад тикахад нохом'
хадабадина пирмандо' нго-
кувна хусувэй по государ-
ственной планангэ таславы
нгамзана планм томдабавана
саць нгарка нядамам
нгобкад хаврамба пернга'.
Тарем' харто' гэсавэй не-
нэця' мэмадандо' вата ты-
до' нгамзангэ хабарбава-
ханато' округана нгамзанда
планм томдабавана саць
нгарка таром хаврамби'.

Неноховавна тики тарем

ванда хавна тамна тики ха-
барманда тыта ед нгатебя-
нгэ есям ньямангува, тад
тикахад тарем мале тыда
хабарманзь ватормы ненэць
нгэрё няна хадавида тыда

